



ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ



Студенттер мен жас ғалымдардың
«ҒЫЛЫМ ЖӘНЕ БІЛІМ - 2014» атты
IX халықаралық ғылыми конференциясы

IX Международная научная конференция
студентов и молодых ученых
«НАУКА И ОБРАЗОВАНИЕ - 2014»

The IX International Scientific Conference for
students and young scholars
«SCIENCE AND EDUCATION-2014»

2014 жыл 11 сәуір
11 апреля 2014 года
April 11, 2014



**ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ
Л.Н. ГУМИЛЕВ АТЫНДАҒЫ ЕУРАЗИЯ ҰЛТТЫҚ УНИВЕРСИТЕТІ**

**Студенттер мен жас ғалымдардың
«Ғылым және білім - 2014»
атты IX Халықаралық ғылыми конференциясының
БАЯНДАМАЛАР ЖИНАҒЫ**

**СБОРНИК МАТЕРИАЛОВ
IX Международной научной конференции
студентов и молодых ученых
«Наука и образование - 2014»**

**PROCEEDINGS
of the IX International Scientific Conference
for students and young scholars
«Science and education - 2014»**

2014 жыл 11 сәуір

Астана

УДК 001(063)
ББК 72
Ғ 96

Ғ 96

«Ғылым және білім – 2014» атты студенттер мен жас ғалымдардың IX Халықаралық ғылыми конференциясы = IX Международная научная конференция студентов и молодых ученых «Наука и образование - 2014» = The IX International Scientific Conference for students and young scholars «Science and education - 2014».
– Астана: <http://www.eni.kz/ru/nauka/nauka-i-obrazovanie/>, 2014. – 5831 стр.
(қазақша, орысша, ағылшынша).

ISBN 978-9965-31-610-4

Жинаққа студенттердің, магистранттардың, докторанттардың және жас ғалымдардың жаратылыстану-техникалық және гуманитарлық ғылымдардың өзекті мәселелері бойынша баяндамалары енгізілген.

The proceedings are the papers of students, undergraduates, doctoral students and young researchers on topical issues of natural and technical sciences and humanities.

В сборник вошли доклады студентов, магистрантов, докторантов и молодых ученых по актуальным вопросам естественно-технических и гуманитарных наук.

УДК 001(063)
ББК 72

ISBN 978-9965-31-610-4

©Л.Н. Гумилев атындағы Еуразия ұлттық
университеті, 2014

Бірінші, әлеуметтік жұмысты жүзеге асыру үшін елдегі партиялардың кеңесімен бірлесе отырып жұмыс жүргізіледі.

Екінші, бұл бағыт бойынша әлеуметтік сақтандыру жүйесін дамыту және кәсіподақ қоғамының интеграциясын анықтайды. Әлеуметтік сақтандыру қызметі мамандандырылған топтардың қатарына кіруіне байланысты анықталады.

Үшінші, бұл бағыт әлеуметтік төмен топтарға мемлекет тарапынан минималды көмек көрсетуімен байланысты.

Осы бағыттардың Қазақстан өзіне лайықты, әлеуметтік жұмысты жетілдіру үшін тиісін алуға болады. Бірінші бағыттың әлеуметтік мәселені шешуде кең диапазонда ортақ талқыға сала отырып шешуі өте тиімді шешімдердің бірі деп санаймын. Халықты әлеуметтік қорғауда әлеуметтік сақтандыру жүйесін, оның интеграциясын қалыптастыру аса маңызды шешімдердің бірі болары хақ. Сондықтан да бұл шараны мемлекет қолдануы тиіс.

Әлеуметтік жұмысты дамытуда экономиканы реттеу аса маңызды, өйткені көптеген әлеуметтік проблемалар осы қаржы проблемасының салдарынан шешілмейді әрі қарай күрделі проблемалардың өршуіне алып келеді. Қоғамдағы әрбір азаматтың сапалы әрі бақытты өмір сүруі әлеуметтік жағдайына тікелей байланысты болғандықтан, елде ең алдымен әлеуметтік мәселе бірінші кезекте тұруы керек.

Әр түрлі себептердің салдарынан туындаған мәселенің нақты жолын табу үшін заманауи үлгідегі технологиялармен оқытылған, біліммен байытылған мамандар мен кадрларды қайта даярлау ең басты міндет болуы тиіс. Өйткені әлеуметтік мәселелердің шешілуі ең алдымен білікті маманға байланысты. Шет елдермен тәжірибе алмасу елімізде әлеуметтік жұмыстың ілгері дамуына өз септігін тигізеді. Әрбір әлеуметтік қызметкер мәселені шешуде өзінің тиімді әдістерін пайдаланады.

Қолданылған әдебиет

1. Холостова Е.И., Деменнтьева Н.Ф. Социальная реабилитация: Учебное пособие. – 3-е изд. – М.: Издательско-торговая корпорация «Дашков и К», 2004г.

2. Қазақстан Республикасындағы Адам құқықтары жөніндегі уәкіл <http://www.ombudsman.kz/kz/>

2. Қазақстан Республикасының 2010-2011 жылдың статистикасы.

3. «Арнаулы әлеуметтік қызметтер туралы» Заң.

4. <http://www.group-global.org/ru>

5. Қаржы-экономика сөздігі. - Алматы: ҚР Білім және ғылым министрлігінің Экономика институты, "Зияткер" ЖШС, 2007. ISBN 978-601-215-003-2

6. Қазақстан Республикасының Заңы «ҚР мүгедектерді әлеуметтік қорғау туралы» // Егемен Қазақстан, 2005 жылғы 26 сәуір

УДК364.6-055.2

АНА МЕН БАЛАНЫ ӘЛЕУМЕТТІК ҚОРҒАУДЫҢ ШЕТЕЛДІК ТӘЖІРИБЕСІ

Бадамбекова Жарқынай

badambekova.zh@mail.ru

Қазақстан, Астана, Л.Н. Гумилев атындағы Еуразия ұлттық университеті, «Әлеуметтік жұмыс» мамандығының 2 курс студенті

Ғылыми жетекші – Досмурзаева Д.О.

Отбасын қоғамның негізгі ұясы ретінде және оның барлық мүшелерінің, әсіресе балалардың өсіп-жетілуінің және игілігінің табиғи ортасы ретінде, қоғам шеңберінде өз міндеттерін мойнына толық ала алатындай қажетті қорғау және жәрдем көрсетілуі тиіс

екендігіне кәміл сене отырып, баланың жеке басы толық және үйлесімді дамуы үшін оның отбасы аясында, бақыт, махаббат және түсінушілік ахуалында өсуі қажет екендігін тани отырып, бала қоғамда өздігінше өмір сүруге толық дайын болуға және бейбітшілік, қадір-қасиет, төзімділік, еркіндік, теңдік және ынтымақтастық рухында тәрбиеленуге тиіс деп санайды. (Бала құқықтары туралы конвенция) [1].

Мемлекеттің дамуы, халықтың әл-ауқатының артуы тікелей отбасына байланысты десек, халықтың тұрмыс жағдайын жақсартудағы, отбасын нығайтудағы басым бағыттардың бірі - ана мен балаға әлеуметтік қолдау жасау болып табылады. Осы бағытта кез –келген мемлекет отбасы мен балаға әлеуметтік қолдау жұмыстарын жетілдіруде түрлі әлеуметтік бағдарламалар ұйымдастырып, әлеуметтік көмек көрсетуде.

Республикадағы балалы отбасыларды әлеуметтік қолдау кезегімен дамуда. 2006 жылы «Балалы отбасыларға арналған мемлекеттік жәрдемақылар туралы» Қазақстан Республикасының Заңы қолданысқа енгізілді және оған сәйкес 2006 жылдан бастап бала тууына байланысты біржолғы мемлекеттік жәрдемақы мен отбасының табысына байланыссыз бала бір жасқа толық толғанға дейін оның күтіміне байланысты мемлекеттік жәрдемақы, сондай-ақ аз қамтылған отбасылардағы он сегіз жасқа дейінгі балаларға мемлекеттік жәрдемақылар төлеу қарастырылған. Ана мен баланы әлеуметтік қорғау еңбек ететін әйелдермен қатар еңбек етпейтін әйелдерге де көрсетіледі. Бұл орайда, жүктілігіне және босануына байланысты тағайындалатын әлеуметтік төлемдерден басқа жәрдемақыларға жаңа туылған баланың әкесі немесе шешесі құжаттарын өткізе алады.

Ана мен баланы қолдау халықтың өмір сүру сапасы мен деңгейін, мәдениетін, білімін, экономикалық жағдайын нақты баяндайтын көрсеткіш болып табылады. Сондықтан жүктілікті, босану мен аналықты міндетті әлеуметтік сақтандыруды енгізу ана мен бала өмірі маңызды орын алатын қоғам құруға жетелейді. Осыған орай, отбасы мәселесі Елбасының ұдайы назарынан тыс қалған емес. Жыл сайынғы Жолдауында отбасы, демографиялық өсім, ана мен баланың денсаулығын сақтау мәселелеріне ерекше мән беріп, тапсырмалар жүктейді. «Қазақстан-2050» Стратегиясы – қалыптасқан мемлекеттің жаңа саяси бағыты» атты Қазақстан халқына Жолдауында әйел -отбасының, мемлекеттің тірегі ретінде танылған. Ана мен баланы қорғау- әлеуметтік саясаттың аса маңызды құрамдас бөлігі ретінде жарияланды.

Кез келген қоғамда әлеуметтік мәселелер туындайды және әртүрлі жолмен шешіледі. Оған жауап ретінде мемлекет әртүрлі әлеуметтік бағдарламалар ұйымдастырылып, мәселі шешу жолдарын қарастырады. Шет елдердегі әлеуметтік көмек көрсету, қорғау және әлеуметтік саясат әрбір елдің, мемлекеттің демографиялық жағдайымен, сыртқы-ішкі мемлекет аралық қатынастармен, экономикасымен мемлекет жүргізіп отырған әлеуметтік саясатымен тығыз байланысты болады. Сонымен қатар, әрбір елдің діні, тілі, салт-дәстүрі де ерекше әсер етеді. Мысалы Азия елдерінің отбасын ана мен баланы әлеуметтік қорғауы мен қолдауы салт-дәстүрмен байланысты. Ал халық саны көп елдерде демографиялық жағдаймен тығыз байланысты.

Германиядағы отбасы, ана мен баланы әлеуметтік қолдау және қорғау жүйесін қарастыратын болсақ, бұл елде отбасы ана мен балаға көрсетілетін әлеуметтік көмектің өзіндік ерекшеліктері бар. Елдің демографиялық жағдайы туу көрсеткішінің төмендігін көрсетеді. Сол себепті, жүргізіліп отырған отбасы саясатына ерекше мән беріліп, әлеуметтік қорғау жүйесінің бір бөлігі саналады.

Отбасы құрылған күннен бастап жас отау иелерін арнайы кеңес беру орталықтарына шақырады. Әлеуметтік қызметкерлерден құралған «жедел жәрдем » орталығы бар. Ол жерде отбасыларға дау, жан-жал туындағанда немесе алдын алу үшін көмек көрсетеді. Бұл іс-шаралардың барлығы елде әлеуметтік жетімдікті болдырмау және отбасын нығайтудың алғы шарты секілді.

Германиядағы әрбір аяғы жүкті әйелдер мемлекет тарапынан ерекше қорғауға алынған. Ана мен баланы қорғау туралы Заң әлеуметтік қолдаудың негізі болып табылады. Әрбір аяғы ауыр әйел өзінің жүктілігі туралы білген соң жұмыс берушісіне хабарлауы тиіс. Жұмыс беруші болашақ анадан дәрігер шешімін талап етуге құқы бар. Аяғы ауыр әйелдерге

денсаулығына немесе баланың денсаулығына зиян тигізетін жұмыстарды жасауға тиым салынады. Оларға ауыр физикалық еңбек пен улы химиялық газдары бар жерлерде немесе ауа температурасы жоғары, шулы, ыза жерлерде еңбек етуге қатаң тиым салынған. Бұл жағдайлардың бәрі болашақ ана мен сәбидің денсаулығының кепілі болып табылады.

Қазіргі таңда Германияда 70 ана орталығы бар. Орталықта көрсетілетін барлық жұмыстар ана мен балаға арналады: баланы өсіру, тәрбиелеу, қорғау дені сау сәбидің дүниеге келуі т.б. Сонымен бірге, елде кәмелеттік жасқа толмаған аналарда көптеп кездеседі. Егер жас ана сәбиге қажетті жағдай жасай алмаса, өзінің келісімімен балалар үйіне немесе асырап алушы ата-аналарға баласын береді. Мемлекет «Жас аналарды қорғау ұйымын» құрған. Ол қымбат емес тұрғын үйлерден немесе жатақханалардан тұрады. Тәрбиешілер, әлеуметтік қызметкерлер, психологтар жас анаға білім алуға, мамандық иеленуге және ең бастысы – баланы өсіруге деген жауапкершілікті қалыптастыру және сезіну. Әрбір жас ана ай сайын мемлекеттен 650 евро жәрдемақы алып отырады. Жәрдемақы тамақтануға, киім алуға және басқада шығындарға жеткілікті. Аяғы ауыр әйел мен жас ана аурухана кассасынан қаржылай көмек алуға құқылары бар.

- Аурухана кассасы жүктілік кезеңіндегі барлық профилактикалық тексерулерді қамтамасыз етеді.

- Жүкті әйелдер әрбір кварталдағы төлемдерден 10 евро көлемінде төлемейді.

- Жүкті әйелдер дәрігер ұсынған жүктілікке қажетті дәрі-дәрмекті тегін ала алады.

- Аурухана кассасы перзентханадағы жүкті әйелге көрсетілетін барлық қызмет түрлерін қамтамасыз етеді.

Балаға төленетін жәрдемақы. Сәби дүниеге келген соң ана 1 жыл көлемінде өзінің еңбек ақысының 67% құрайтын жәрдем ақы алып отырады. Егер жұмыссыз ана болса, 300 евро құрайтын жәрдемақы алады. Бала туу байланысты демалыс 3 жылға созылады және толық төленеді. Осыдан кейін балаға 18 жасқа дейін айына 180 еуродан төленіп отырады. Аз қамтылған, тұрмысы төмен отбасындағы балалар балабақшаға тегін барады. [2].

Азия елдері ішінде экономикасы аса дамыған Жапония елінде отбасын әлеуметтік қорғау мен қолдау саясаты ерекше назарда. Себебі, елдегі туу көрсеткішінің төмендігі жапондықтарды алаңдатуға және қазірден жұмысшы күшінің жоқтығы сезілуде. Осыған орай, мемлекет туу көрсеткішін қалпына келтіру үшін барлық жағдайды жасап отыр.

Жапонияда жүктілік кезіндегі 6 аптаға және кейінгі 8 аптаға демалысқа жалақысының 60% құрайтын төлем ақы ұйымдастырады. Бала күтімі үшін ана немесе әкесі демалыс ала алады. Сонымен қатар, заңда көрсетілгендей әйелдердің жұмыс уақытын шектейді. Оларға үйде болуға жағдай жасайды, тек дәрігер, редактор, адвокат және телефон операторларына кешкі 22.00-05.00 жұмыс жасауға болады.

Туу көрсеткішін және балаларды қорғау үшін «балалар жәрдемақысы» ұйымдастырылған. Дүниеге сәби келген соң ата-анасы бір уақытта айлық табысының 50% алып отырады. Сонымен бірге, жапондық әлеуметтік қорғау жүйесі балаға арналған ай сайынғы жәрдемақыны ұсынады. Әрбір балаға орта білім дипломын алғанша ай сайын 2 мың иен (20 долларға жуық) қаржы бөлінеді. Жәрдемақы алу жұмыссыз аналарға да тән болғандықтан жапон әйелдерінің 46%-ы жұмыс жасамайды. Жапонияда әлеуметтік көмек көрсетуде өндіруші корпорациялардың маңызы зор. Олар отбасын құруға, тұрғын үй алуға, балаларын өсіруге, балаларының мектепке баруына т.б. қажеттіліктерін қамтамасыз етеді.

Қытай, Үндістан, Пәкістан сияқты халық саны өте көп елдердегі ана мен баланың әлеуметтік қорғау процесі мүлдем басқа болып келеді. Халық саны жөнінен бірінші орында тұрған Қытай елінде әлі күнге дейін ананы әлеуметтік қорғау жүйесі қалыптаспаған. Жақын уақытта ана мен баланы әлеуметтік қорғау мемлекет бірлігі мен дамуының негізі екендігі қытайлықтар үшін белгілі болды және алдағы уақытта түрлі әлеуметтік бағдарламалар құрылуы мүмкін.

Ал Үндістанда адам санының шектен тыс көбеюі әлеуметтік-экономикалық жағдайына кері әсер етіп, жүргізіліп отырған мемлекет саясатының орындалмауы байқалуда, яғни, кедейшілікпен күресу әлі жалғасуда. Елдегі тұрғындардың жартысынан көбі балалар мен 18

жасқа толмаған жасөспірімдер. Демек, жыл сайын тоғыз мың жаңа мектеп салып, 400 мың мұғалім қажет деген сөз және оларды азық-түлікпен қамтамасыз ету тағы бар. 1951 жылы Үндістанда отбасын жоспарлауға байланысты мемлекеттік саясат жүргізді. «Екі немесе үш бала – жеткілікті!», «Шағын отбасы – бақытты отбасы!» ұранмен демографиялық жұмыстар жүргізілді. Дегенмен, 1991 жылғы халық санағы халық санының артқанын, тіпті, көбейгенін көрсетті. Қазіргі таңда Үндістанда балаларды ұрлау, бала еңбегін пайдалану белең алып отырған әлеуметтік мәселе болып отыр. Dalit Freedom Network құқық қорғау ұйымының мәлімдеуінше, соңғы бес жылда жоғалушы балалар саны 50%-ға артқан. Егер 2004 жылы елде 44 мың бала жоғалса, 2009 жылы 60 мыңға жеткен. Ал 2013 жылы 80 мыңға жуық балалар жоғалған. Тек қана Нью-Делидің өзінде жыл сайын 2 мыңға жуық кішкентай қыздар мен жасөспірім қыздар жоғалып отырады. Бұл жағдай БҰҰ мен Дүниежүзілік құқық қорғау ұйымдарын бей-жай қалдырмады. Тек, 2010 жылы ғана Үндістан билігі балаларды ұрлау мәселесі ұлттық деңгейге жеткенде ғана «Адамдарды ұрлауға қарсы құқық қорғау органдарының дайындығы мен қарсы тұру стратегиясын» («Strengthening the law enforcement response in India against Trafficking in Persons through Training and Capacity Building») қабалдады. 2011 жылдың сәуір айынан бастап ПМ 335 округта арнайы полиция бөлімшелері құрылды.

Ал Пәкістанда отбасыға мүлдем көмек көрсетілмейді. Олар үшін басты мәселе – адам санының күн сайын өсуі. Заң жүзінде де ешқандай жәрдемақы, арнайы бала тууына байланысты демалыстарда және әлеуметтік төлемдерде қарастырылмаған. Қоғамда әйелдердің еңбек етуіне болмайды. Некесіз туылған балаларға арналған балалар үйі, әйелдерге кеңес беру, мүгедек және созылмалы ауруы бар науқастарға көмек көрсету орталықтары бар. Әлеуметтік қорғаудағы басты бағыты – кедейшілікпен күресу болып табылады. Пәкістанда әлеуметтік қорғау қоғамдық және діни ұйымдардың қаржыландыруымен жүргізіледі.[3].

Басқа дамыған мемлекеттермен салыстырғанда АҚШ – та адамның әлеуметтік жағдайы жеке өзіне байланысты, өзі жауапты. Кімде-кім өз-өзін немесе отбасын тамақтандыруға шамасы келмесе, мемлекеттің, қоғамдық немесе этникалық топтардың көмегін пайдалана алады. АҚШ-та отбасы мен баланы әлеуметтік қорғау бірыңғай жүйесі қалыптаспаған. Ол жақта көптеген үлкен және шағын бағдарламалар әлеуметтік көмек көрсетіп, АҚШ-тың барлық жерлерінде жүзеге асады. Бағдарламалардың міндеті – отбасы қажеттілігін толықтай немесе жекелей қамтамасыз ету. Мынадай жағдайда көмек көрсетіледі:

- 1) табыс мөлшері төмен отбасылар;
- 2) жұмыссыз ата-аналар және анасының немесе әкесінің болмауы.

Көмек ақшалай түрде (жәрдемақы, салық жеңілдіктері) және табиғи (қызметтер, тауарлар) көрсетіледі.

1960-1970 жылдары отбасы ана мен баланы әлеуметтік қолдау саласында біршама алға басу байқалды. Сонымен бірге, көмек алушылардың да саны артып, мемлекеттің әлеуметтік шығындары көбейді. Бірақ, кедейлік мәселесі шешімін таппады.

Қазіргі уақыттағы АҚШ-тағы негізгі отбасы мен баланы әлеуметтік қорғау бағдарламасы «Көмек қажет етуші отбасыларға уақытша көмек» (ОУК) деп аталады. Көмек қажет балалы отбасылар мына категориялар бойынша анықталады:

- Толық емес отбасы: анасы немесе әкесі жоқ. Жәрдемақына анасы және барлық отбасы мүшелері алады.
- Толық отбасы: әкесі жұмыссыз болса. Жәрдемақыны анасы, әкесі және барлық отбасы мүшелері алады.
- Толық отбасы: әкесі еңбекке қабілетсіз (ауру немесе 3 айдан көлемінде ауырып қалған) Жәрдемақыны анасы, әкесі және барлық отбасы мүшелері алады.
- Отбасында бала жоқ, бірақ туыстарының балалары бар. Жәрдемақыны тек балалар алады.

Отбасыларға уақытша көмек бағдарламасы жәрдемақы алушыларға еңбек шартын ұсынды. Отағасы жәрдемақы алған 2 жыл ішінде жұмысқа орналасуға немесе кәсіби білім алуға міндетті. 1997 жылдан бастап әр штат ОУК алушылардың 25 % жұмыспен қамтуға міндетті болды. Ал, 2002 жылы

50% -ды құраса толық отбасылыр үшін 75-90% құрады. Жалғызбасты отбасылар 1997 жылы 20 сағаттан артық жұмыс жасамайды, 2000 жылы 30 сағаттан артық жұмыс жасады, ал толық отбасылыр 55 сағатқа дейін жұмыс жасады. Жасқа толмаған жалғызбасты ата-аналар еңбек етпесе, алты жасқа дейінгі баласы бар ата-аналар бала күтімі болмаса жұмыс жасамайды. Кәмелеттік жасқа толмаған аналар білім алуға және кәсіби даярлықтан өтуге міндетті және ата-анасының қамқорлығында болуы тиіс. Жүкті әйелдер мен 5 жасқа толмаған аналарға және мектеп оқушыларына тегін немесе жеңілдікпен қосымша тамақтану бағдарламасы бар. «Медикейд» бағдарламасы жүкті аналарға және 1 жасқа толмаған балаларға барлық жүктілікке қатысты медициналық қызметтерді пайдалана алады. Соңғы уақыттарда АҚШ - та мемлекет отбасын ана мен баланы қолдау саясатын жеке еріктілер қолына ұсынды. Әлеуметтік қорғау шараларымен көп жағдайда еріктілер, қоғамдық ұйымдар, қайырымдылық қорлары айналысады.[4].

Ана мен баланы қолдау халықтың өмір сүру сапасы мен деңгейін, мәдениетін, білімін, экономикалық жағдайын нақты баяндайтын көрсеткіш болып табылады. Сондықтан жүктілікті, босану мен аналықты міндетті әлеуметтік сақтандыруды енгізу ана мен бала өмірі маңызды орын алатын қоғам құруға жетелейді. Қазіргі таңда елімізде жүргізіліп отырған отбасы саясаты кең көлемде қарқынды дамуда. Отбасы, ана мен баланы әлеуметтік қорғау бұл – еліміздің демографиялық өсуінің көрінісі болмақ. Жоғарыда келтірілген әртүрлі елдердің ана мен баланы әлеуметтік қорғау саясатын танып-білу қызықты да қажет дүние. Қазақта «жақсыны үйрен де жирен» демей ме, сол сияқты өзге елдің жақсысын үйрену, жаманынан жиренудің пайдасы мол деп ойлаймын.

Қолданылған әдебиеттер

1. Бала құқықтары туралы конвенция кіріспе.
2. Система социальной защиты в Федеративной Республике Германии. -- М.: Аспект-Пресс, 2003, 75 – 79 бет.
3. Згоржельский И.П. Социальная защита семей, имеющих детей: На примере зарубежного опыта обеспечения пособиями // Вопр. соц. обеспечения. - 2004.
4. Васильева Т.С. Бедные семьи в США: Программы социальной поддержки: (Обзор) // Тенденции развития современной семьи. - М., 1992. - 141-167 бет.

УДК 378

ПЕДАГОГИЧЕСКАЯ ТЕХНОЛОГИЯ СОЦИОКУЛЬТУРНОЙ АНИМАЦИИ СРЕДСТВАМИ ГЛУБИННОГО ОБЩЕНИЯ В СИСТЕМЕ СОЦИОКУЛЬТУРНОЙ АНИМАЦИИ ИНВАЛИДОВ

Баймуханова А.М., Смакова Г.Е.

aliay.30.05@mail.ru, gaukhar.yerkanat@mail.ru

Ст. преподаватель и преподаватель кафедры социальной работы и социальной педагогики КарГУ академика им.Е.А. Букетова, Караганда, Казахстан

Научный руководитель – к.соц.н., доцент Абдрашева Б.Ж.

Инвалиды в нашей стране являются одной из наиболее нуждающихся в поддержке социальных групп. До сих пор степень социального отчуждения инвалидов в обществе очень высока, они не имеют возможности полноценно общаться, трудиться, учиться, заниматься творчеством. Жизненное положение инвалидов является неустойчивым, так как оно зависит целиком от незначительной государственной пенсии и материального положения семьи. Личностный потенциал инвалидов остается невостребованным, что негативно сказывается на их психологическом состоянии, приводит к депрессивным состояниям и личностной деградации. Организация полноценной жизни инвалида требует